



NYC পাবলিক স্কুলস্-এ কী ঘটছে

Shiko këtë dokument në shqip

عرض هذه الوثيقة باللغة العربية

এই নথিটি বাংলা ভাষায় দেখুন

查看本文件的简体中文版本

查看本文件的繁體中文版本

Consultez ce document en français

Gade dokiman sa a an Kreyòl ayisyen

이 문서를 한국어로 보십시오

Документ на русском языке

Consulte este documento en español

Переглянути цей документ українською мовою

اس دستاویز کو اردو میں ملاحظہ کریں

Ushbu hujjatni ichida ko'ring O'zbek

schools.nyc.gov/MessagesForFamilies

জুন 2026

এই পরিবারের জন্য সর্বসাম্প্রতিক হালনাগাদ তথ্য যা 2025-26 শিক্ষা বছরের সমাপ্তি, সামার মিলস্, সামার রাইজিং, সামার স্কুল, হেমন্ত (ফল) 2026-এর ভর্তি, PSAL হাই স্কুল সামার প্রোগ্রাম, এবং সামার রিডিং সম্পর্কিত - সেসব প্রদান করে।

বিষয়সূচি

- 2025-26 শিক্ষা বছরের সমাপ্তি
- সামার মিলস (গ্রীষ্মে প্রদত্ত খাবার)
- সামার রাইজিং
- সামার স্কুল
- ভর্তি সংক্রান্ত গুরুত্বপূর্ণ তারিখসমূহ
- PSAL হাই স্কুল সামার প্রোগ্রাম
- সামার রিডিং (গ্রীষ্মে বই পড়া)

2025-26 শিক্ষা বছরের সমাপ্তি

স্কুলের শেষ দিন হলো **শুক্রবার, 26 জুন, 2026!** রিজেন্টস্ পরীক্ষাগুলো কখন অনুষ্ঠিত হবে এবং স্বীকৃত ছুটির দিনগুলো পালনে স্কুলগুলো কবে বন্ধ থাকবে তা সহ জুনের গুরুত্বপূর্ণ তারিখগুলো দেখার জন্য schools.nyc.gov/Calendar দেখুন।

সামার মিলস (গ্রীষ্মে প্রদত্ত খাবার)

যখন স্কুল ছুটি থাকে, তখনও শিক্ষার্থীরা বিনামূল্যে ব্রেকফাস্ট এবং লাঞ্চ উপভোগ করতে পারে! **29 জুন থেকে 4 সেপ্টেম্বর পর্যন্ত**, 18 বছর বা এর চেয়ে কম বয়সী যে কেউ নির্বাচিত NYC-এর বিভিন্ন পাবলিক স্কুল, কমিউনিটি পুল সেন্টার, পার্ক, এবং লাইব্রেরিতে বিনামূল্যের সামার মিলস্ পেতে পারে। আপনাকে আগে থেকে সাইন আপ করতে বা কোনো পরিচয়পত্র দেখাতে হবে না—শুধু একটি সামার মিলস্ সাইটে চলে আসুন এবং উপভোগ করুন! স্থান, তারিখ, সময়, এবং মেন্যু পরিবর্তিত হতে পারে; সর্ব-সাম্প্রতিক তথ্যের জন্য

schools.nyc.gov/SummerMeals দেখুন।

- কার্য-পরিচালনার তারিখসমূহ: সোমবার, 29 জুন-শুক্রবার, 4 সেপ্টেম্বর, 2026 (শুক্রবার, 3 জুলাই, 2026-এ কোনো পরিষেবা নেই)
- কার্য-পরিচালনার সময়: ব্রেকফাস্ট পরিবেশন, 8-9:15 a.m. | লাঞ্চ পরিবেশন, 11 a.m.-1:15 p.m.

সামার রাইজিং

একটি গ্রীষ্মকালীন শেখার অভিযানের জন্য প্রস্তুত হোন! সামার রাইজিং শুরু হবে **বুধবার, 1 জুলাই**, এবং সোমবার থেকে শুক্রবার, 8 a.m. থেকে-6 p.m. পর্যন্ত চলবে। গ্রেড K-5 -এর শিক্ষার্থীদের জন্য **শুক্রবার, 14 অগাস্ট** অথবা গ্রেড 6-8 -এর শিক্ষার্থীদের জন্য **শুক্রবার, 7 অগাস্ট** প্রোগ্রাম শেষ হবে, এবং ইন্ডিপেন্ডেন্স ডে (স্বাধীনতা দিবস) উদযাপন উপলক্ষে **শুক্রবার, 3 জুলাই** বন্ধ থাকবে। যদি আপনি মে মাসের 5 তারিখের মধ্যে সামার রাইজিং অফারটি গ্রহণ করে থাকেন, আপনি 1 জুলাইয়ের আগে আরও তথ্য পাবেন। প্রোগ্রামের সকল বিস্তারিত সম্পর্কে হালনাগাদ থাকুন schools.nyc.gov/SummerRising-এ।

সামার স্কুল

প্রতি মে এবং জুন মাসে, শিক্ষার্থীরা পরবর্তী গ্রেড স্তরের জন্য প্রস্তুত কিনা তা নির্ধারণ করতে শিক্ষকগণ তাদের অগ্রগতি মূল্যায়ন করেন। যেসব শিক্ষার্থী এখনও যথেষ্ট অগ্রগতি অর্জন করেনি তাদের পরিবারদেরকে জুন মাসের মাঝামাঝি চিঠির মাধ্যমে অবহিত করা হবে।

যদি আপনার শিক্ষার্থী 3-8 গ্রেডে পড়ছে এবং জুন মাসে প্রমোশন না পায়, তবে তার জন্য সামার স্কুলে অংশগ্রহণ করা আবশ্যিক। যদি সে সামার রাইজিং-এ আসন না পায়, তবে সে শুধুমাত্র শিক্ষায়তনিক (অ্যাকাডেমিক) অংশে যোগ দেবে। চিঠিতে তারিখ ও সময় সংক্রান্ত বিস্তারিত থাকবে। সামার স্কুল শেষে, স্কুলগুলো পরবর্তী বছরের জন্য প্রত্যেক শিক্ষার্থীর গ্রেড স্তরের বিষয়ে সিদ্ধান্ত নেবে।

ভর্তি সংক্রান্ত গুরুত্বপূর্ণ তারিখসমূহ

হেমন্ত (ফল) 2026-এর জন্য 2-K -তে ভর্তির আবেদন শুরু হবে 2 জুন

2-K-তে ভর্তি আনুষ্ঠানিকভাবে শুরু হচ্ছে হেমন্ত 2026-এ। আবেদন **মঙ্গলবার, 2 জুন** থেকে **শুক্রবার, 26 জুন** পর্যন্ত উন্মুক্ত। প্রতিবন্ধিতায়ুক্ত ছেলেমেয়ে, অভিগম্যতার চাহিদাসম্পন্ন ছেলেমেয়ে, যেসব ছেলেমেয়ে ইংরেজি শিখছে তারা, এবং অস্থায়ী আবাসন বা টেম্পোরারি হাউজিংয়ে বসবাসরত ছেলেমেয়েরা সহ 2024 সালে জন্মগ্রহণকারী ছেলেমেয়ে আছে এমন সকল NYC পরিবার আবেদন করতে পারবে।

হেমন্ত (ফল) 2026-এ, 2-K প্রোগ্রামসমূহ ডিস্ট্রিক্ট 6, 10, 18, 23 এবং 27-এ লভ্য হবে। সিটি জুড়ে পরিবারেরা এসব ডিস্ট্রিক্টে বিভিন্ন প্রোগ্রামে একটি 2-K আসনের জন্য আবেদন করতে পারবেন; তবে, আসনের জন্য অগ্রাধিকার দেয়া হবে ডিস্ট্রিক্টের অধিবাসীদেরকে।

আবেদন করার জন্য, MySchools.nyc অ্যাকাউন্ট তৈরি করুন অথবা আপনার বিদ্যমান অ্যাকাউন্টে লগ ইন করুন এবং আপনার প্রোফাইলে আপনার সন্তানের তথ্য যোগ করুন। আপনি myschools.nyc/schools/2K-তে 2-K ডিরেক্টরিতে বিভিন্ন প্রোগ্রামের পছন্দ দেখতে পারবেন। বেশিরভাগ ক্ষেত্রে, স্কুলের প্রথম দিনে একটি 2-K প্রোগ্রাম শুরু করার জন্য ছেলেমেয়েদেরকে অবশ্যই দুই বছর বয়সী হতে হবে। যেসকল ছেলেমেয়ে বছরের পরবর্তীতে দুই বছর বয়সী হবে তারা একটি পরবর্তী তারিখে শুরু করার জন্য একটি অফার লাভ করতে পারে। আরও তথ্যের জন্য, schools.nyc.gov/2K দেখুন।

গিফটেড অ্যান্ড ট্যালেন্টেড (G&T) গ্রেড 1-4 -এর ফলাফলসমূহ

আপনি যদি **শুক্রবার, 8 (আট) মে**-এর শেষ সময়ের মধ্যে ফল 2026-এর জন্য গ্রেড 1-4 -এর জন্য G&T-তে আবেদন করে থাকেন, তাহলে আপনি **বৃহস্পতিবার, 11 জুন**-এ আপনার সন্তানের ফলাফল লাভ করবেন। একটি অফার গ্রহণ করতে এবং আপনার সন্তান হয়তো থাকতে পারে এমন কোনো অপেক্ষা-তালিকা দেখতে MySchools.nyc -তে লগ ইন করুন। একটি G&T অফার গ্রহণ করার শেষ সময় শুক্রবার, 26 জুন। কীভাবে অফার প্রদান করা হয় তা জানুন schools.nyc.gov/GT-এ।

PSAL হাই স্কুল সামার প্রোগ্রাম

এই গ্রীষ্মে (সামারে), NYCPS-এর যেসব শিক্ষার্থী হেমন্ত (ফল) 2026-এ গ্রেড 9-12 -এ প্রবেশ করবে তারা পাবলিক স্কুলস্ অ্যাথলেটিক লীগ (PSAL) হাই স্কুল সামার স্পোর্টস্, ফিটনেস, অ্যান্ড রিক্রিয়েশন প্রোগ্রামে রেজিস্টার করতে পারবে! অংশগ্রহণকারীগণ পাঁচ বরো জুড়ে বিভিন্ন নির্বাচিত সাইটে বিনা খরচে খেলাধুলার প্রশিক্ষণ, নির্দিষ্ট স্পোর্টস্-এ দক্ষতা অর্জন, এবং বিনোদন কর্মকাণ্ড উপভোগ করতে পারবে। প্রোগ্রামটি সোমবার থেকে বৃহস্পতিবার বিকেল 3-6 p.m. পর্যন্ত সময়ে, দুইটি অধিবেশনে ভাগ হয়ে চলবে:

- সেশন (অধিবেশন) 1: সোমবার, 13 জুলাই-মঙ্গলবার, 28 জুলাই
- সেশন (অধিবেশন) 2: বুধবার, 29 জুলাই-বৃহস্পতিবার, 13 অগাস্ট

আপনি on.nyc.gov/PSALsummer-এ প্রোগ্রামের বিস্তারিত দেখতে এবং প্রোগ্রামের জন্য রেজিস্টার করতে পারবেন। বর্ষ চলাকালে তারা কোথায় স্কুলে যায় তা নির্বিশেষে, শিক্ষার্থীরা প্রতি অধিবেশনে যেকোনো একটি PSAL সামার সাইট এবং প্রোগ্রামের জন্য রেজিস্টার করতে পারবে।

সামার রিডিং (গ্রীষ্মে বই পড়া)

আমাদের সামার রিডিং গাইডে সব গ্রেড স্তরের জন্য বাড়িতে পড়ার জন্য পরামর্শ এবং সুপারিশকৃত বিভিন্ন বই খুঁজে নিন, যা schools.nyc.gov/LiteracyResources-এ লভ্য! এর সাথে সংযোজনে, soraapp.com/library/NYCSchools-এ সোরা (Sora)-তে সিটিওয়াইড ডিজিটাল লাইব্রেরি থেকে অনেক ভাষায় হাজারো ই-বুক, অডিওবুক, এবং ম্যাগাজিন পাওয়ার জন্য আপনার NYCPS ক্রেডেনশিয়াল (পরিচয়মূলক তথ্য) ব্যবহার করুন।